

JP NIO SLUŽBENI LIST BiH
SARAJEVO

Broj: 5-1-05-1-115/12-15
Sarajevo, 02.09.2015. godine

Na osnovu čl. 69. 70. i 71. Zakona o javnim nabavkama Bosne i Hercegovine („Službeni glasnik BiH“, broj 39/14), člana 23. Statuta JP NIO Službeni list BiH, te prijedloga Komisije za javne nabavke donosim

ODLUKU

o poništavanju postupka javne nabavke usluge štampaња službenih glasila, LOT 1- Usluga štampaња „Službenog glasnika BiH“ i „Službenog glasnika BiH-Međunarodni ugovori“

I

Poništava se postupak javne nabavke usluge štampaња službenih glasila, LOT 1- Usluga štampaња „Službenog glasnika BiH“ i „Službenog glasnika BiH-Međunarodni ugovori“ putem otvorenog postupka koje je objavljeno na Portalu javnih nabavki, (obavještenje o nabavci broj: 195-1-2-49-3-14/15 od 10.07.2015. godine) iz razloga navedenog u članu 69. 2 d)- nijedna od primljenih ponuda nije prihvatljiva.

II

Ova odluka će se objaviti na web stranici www.sluzbenilist.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

III

Ova odluka stupa na snagu danom donošenja i dostavlja se svim ponuđačima koji su učestvovali u postupku nabavke u skladu sa članom 71. stav 2. Zakona o javnim nabavkama BiH.

OBRAZLOŽENJE

JP NIO Službeni list BiH (u daljem tekstu: ugovorni organ) je na osnovu Odluke o pokretanju postupka za nabavku usluge štampaња službenih glasila, LOT 1- Usluga štampaња „Službenog glasnika BiH“ i „Službenog glasnika BiH-Međunarodni ugovori“ proveo otvoreni postupak nabavke.

Obavještenje o nabavci broj: 195-1-2-49-3-14/15 objavljeno je na Portalu javnih nabavki dana 10.07.2015. godine.

Nakon isteka roka predviđenog za dostavljanje ponuda, Komisija za javne nabavke (u daljem tekstu: Komisija) je u Zapisniku o zaprimanju ponuda od 25.08.2015. godine konstatovala su u roku pristigle slijedeće ponude:

1. Ponuda ponuđača „GIK OKO“ d.d. Sarajevo, broj protokola: 5-1-05-1-115/4-15, dostavljena 25.08.2015. godine u 11.24 sati.
2. Ponuda ponuđača „UNIONINVESTPLASTIKA“ d.d. Sarajevo, broj protokola: 5-1-05-1-115/5-15, dostavljena 25.08.2015. godine u 11.26 sati.

U postupku analize pristiglih ponuda Komisija je u Zapisniku o pregledu i ocjeni ponuda, broj:5-1-05-1-115/8-15 od 01.09.2015. godine utvrdila da nijedna pristigla ponuda nije formalno prihvatljiva iz razloga kako slijedi:

1. Ponuđač GIK OKO d.d. Sarajevo, ponuda ponuđača nije formalno prihvatljiva u skladu sa članom 68. (4) i) Zakona o javnim nabavkama (ponuda nije potpuna i ne ispunjava zahtjeve iz tenderske dokumentacije), za ugovorni organ iz slijedećeg razloga:

Ponuđač je dostavio garanciju za ozbiljnost ponude koja nije dostavljena u skladu sa tačkom 8.8.2 Tenderske dokumentacije, u kojoj je propisano:

„Garancija se ne smije bušiti radi ulaganja uz ponudu već treba biti dostavljena na slijedeći način:

- originalna bankarska garancija se pakuje u zatvorenu plastičnu foliju koja se na vrhu zatvori naljepnicom na koju se stavlja pečat ponuđača ili se otvor na foliji zatvori jemstvenikom, a na mjesto vezivanja zalijepi naljepnica i otisne pečat ponuđača;

- plastična folija u kojoj je originalna bankarska garancija mora biti označena rednim brojem stranice ili lista, kao i ostale stranice ili listovi ponude i kao takva čini sastavni dio ponude“.

Također, tačkom 8.8.3 je propisano slijedeće:

„Garancija za ponudu se dostavlja u formi koja je sastavni dio tenderske dokumentacije kao Aneks 9. Ukoliko uslov za dostavljanje garancije ne bude ispunjen, ponuda će biti odbijena“.

Ponuđač je dostavio garanciju u plastičnoj foliji koja nije zatvorena niti naljepnicom niti jemstvenikom te se ista može nesmetano vaditi, čime nije ispunjen uslov propisan Tenderskom dokumentacijom niti Pravilnikom o formi garancije za ozbiljnost ponude i izvršenje ugovora („Službeni glasnik BiH“, broj: 90/14).

Cijeneći navedeno, ugovorni organ je dužan odbiti ponudu u skladu sa članom 3. pomenutog Pravilnika jer garancija nije dostavljena na propisan način. Naime, članom 3. tačka tri je propisano da: “Ukoliko garancija za ozbiljnost ponude nije dostavljena na propisan način, shodno stavu (1) ovog člana, ugovorni organ je obavezan takvu ponudu odbaciti“.

2. Ponuđač UNIONINVESTPLASTIKA d.d. Sarajevo- ponuda ponuđača nije formalno prihvatljiva u skladu sa članom 68. (4) i) Zakona o javnim nabavkama (ponuda nije potpuna i ne ispunjava zahtjeve iz tenderske dokumentacije), iz slijedećeg razloga: U ponudi na strani 9.-Izjava o ispunjenosti uslova iz člana 47. st 1 tačka a) i (4) Zakona o javnim nabavkama, ponuđač nije potpisao i stavio svoj pečat na mjestu koje je predviđeno za to u izjavi, nego je izjavu ovjerio kod nadležnog općinskog organa uprave. Naime u izjavi je izričito propisana rubrika **potpis i pečat ponuđača/kandidata i M.P.** koje nisu popunjene.

Kako je 8.2.1 Tenderske dokumentacije propisano slijedeće:

„ NAPOMENA: Ponuđač je obavezan da popuni i dostavi sve navedene dokumente iz tačke 8.2.1. U slučaju da ponuđač ne dostavi i popuni sve tražene dokumente (izuzev Aneksa 4 kako je navedeno u tački 8.5.1) koji su navedeni, ponuda će mu biti odbačena kao neprihvatljiva“,
ponuda navedenog ponuđača nije formalno prihvatljiva zbog navedenog nedostatka.

Polazeći od gore navedenih konstatacija i činjenice da je Komisija utvrdila da nema prihvatljivih ponuda za predmetni LOT 1, Komisija donosi zaključak da su ispunjeni uslovi iz člana 69. stav 2. d) Zakona o javnim nabavkama BiH za poništavanje postupka nabavke, te je predloženo poništavanje postupka.

Članom 69. stav (2) tačka d). Zakona o javnim nabavkama BiH propisano je da je ugovorni organ obavezan poništiti postupak javne nabavke u slučaju da nijedna od primljenih ponuda nije prihvatljiva.

Cijeneći navedenu zakonsku odredbu kao i prijedloga Komisije, donesena je odluka kao u dispozitivu.

PRAVNA POUKA:

Protiv ove Odluke može se izjaviti žalba najkasnije u roku od 5 (pet) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa u pismenoj formi direktno, elektronskim putem ili preporučenom poštanskom pošiljkom na adresu: Džemala Bijedića 39, Sarajevo. Žalba se podnosi u najmanje 3 (tri) primjerka.

DOSTAVLJENO:

1. GIK „OKO“ d.d. Sarajevo
2. UNIONINVESTPLASTIKA d.d. Sarajevo
3. Komisiji za javne nabavke
4. a/a.

v.d. DIREKTOR
Dragan Prusina